

HOLY SEE PRESS OFFICE
OFICINA DE PRENSA DE LA SANTA SEDE



BUREAU DE PRESSE DU SAINT-SIEGE
PRESSEAMT DES HEILIGEN STUHLIS

BOLLETTINO

SALA STAMPA DELLA SANTA SEDE

N. 0321

Lunedì 22.05.2000

LETTERA DEL SANTO PADRE AL SUO INVIATO SPECIALE AL II CONGRESSO EUCARISTICO NAZIONALE DELLA LITUANIA (KAUNAS, 1-4 GIUGNO 2000)

LETTERA DEL SANTO PADRE AL SUO INVIATO SPECIALE AL II CONGRESSO EUCARISTICO NAZIONALE
DELLA LITUANIA (KAUNAS, 1-4 GIUGNO 2000)

In data 2 febbraio 2000, il Santo Padre ha nominato l'Em.mo Card. Vinko Puljic, Arcivescovo di Vrhbosna Sarajevo, suo Inviato Speciale al II Congresso Eucaristico Nazionale della Lituania, in programma a Kaunas dal 1° al 4 giugno prossimo.

L'Em.mo Card. sarà accompagnato da una Missione composta da:

-Rev.do Mons. Vytautas Vaiciunas, Decano della Facoltà teologica presso l'Università "Vytautas Magnus" di Kaunas;

-Rev.do Mons. Edvardas Rydzikas, Cancelliere della Curia Arcivescovile di Vilnius e Rettore del Santuario Mariano di "Ausros Vartai".

Venerabili Fratri Nostro

VINCENTIO S.R.E. Cardinali PULJIC

Archiepiscopo Vrhbosnensi

Iubilaeum maximum hoc dum prospere feliciterque progreditur, quod Deo dante universa iam in Ecclesia festive videtur et fructuose concelebrari, magis ac magis elucet artissime illud coniungi atque consociari cum sanctissimo Eucharistiae mysterio et sacramento interque christifideles Dei Populi pientissimo cultu. Id quod et exemplo Nostro et cotidiano magisterio numquam intermittimus graviter animis filiorum filiarum Ecclesiae inculcare, ne oculos umquam inde avertant neve fidei suae fervorem alio intendant.

Perplacet igitur Nobis mente iam praevidere Congressum Eucharisticum omnium gentium hic Romae medio mense Iunio sollemniter peragendum; at nihilo minus de singularum Nationum et Civitatum particularibus

conventibus Eucharisticis gaudemus quibus hic iubilaris annus veluti totidem honestabitur gemmis. Inter illos eminet nimirum secundus Congressus Eucharisticus nationis Lituaniae qui apud Kaunas peculiari omnino decore honoreque religioso inter primum ac quartum mensis Iunii diem agetur. Cum autem nihil velimus Nostra ex parte huic faustissimo eventui, primo videlicet Congressui illic post adeptam civilem sui iuris condicionem, deesse, idcirco eum quaerimus Ecclesiae idoneum ministrum qui inter tam clara sollemnia personam Romani Pontificis cum auctoritate gerat, totius rei praestantiam augeat, spirituales celebrationis fructus in immensum crescere sinat.

Plures sane ob causas te ipsum, Venerabilis Frater Noster, ad illud officium esse aptissimum censemus ideoque harum Litterarum vi **MISSUM EXTRAORDINARIUM** Nostrum ritibus et actibus Secundi Congressus Eucharistici Nationalis Lituaniae a die primo ad quartum mensis Iunii interesse Nostro nomine mandamus. Ad Nostram propterea mentis pastoralis sententiam adloqueris participes omnes atque secundum ipsius celebritatis indolem adhortaberis ut quam pietatem ac fidem animose conceperint animo signo exprompserint hoc luculenter, studiosius usque posthac provehant, comitante eos semper Apostolica Nostra Benedictione qua adstantes pariter Nostra ex voluntate ditamus, tamquam si coram ipsi Nos praesentes et gratulantes adsistamus.

Interea vero, Venerabilis Frater Noster, salvere te in Domino iubemus unaque cum dilectissimo grege Vrhbosnensi paschalibus prorsus laetitiis gaudere.

Ex Aedibus Vaticanis, die XXV mensis Aprilis, anno MM, Pontificatus Nostri altero et vicesimo.

IOANNES PAULUS II

[01163-07.01] [Testo originale:latino]
